



অর্থমন্ত্রক

# “ ঋণ খেলাপি এবং দেওলিয়া ” ঘোষণা সম্পর্কিত একদিনের জাতীয় সম্মেলন আগামীকাল মুম্বাইতে : উদ্বোধনী ভাষণ দেবেন কেন্দ্রীয় অর্থমন্ত্রী শ্রী অরুণ জেটলি আগামীকাল মুম্বাইতে “ ঋণ খেলাপ ও দেওলিয়াপনা : এক পরিবর্তনশীল অধ্যায় ” বিষয়টির ওপর আয়োজিত এক জাতীয় সম্মেলন

Posted On: 21 AUG 2017 4:30PM by PIB Kolkata

আগামীকাল মুম্বাইতে “ ঋণ খেলাপ ও দেওলিয়াপনা : এক পরিবর্তনশীল অধ্যায় ” বিষয়টির ওপর আয়োজিত এক জাতীয় সম্মেলনে প্রধান অতিথির আসন অলঙ্কৃত করবেন কেন্দ্রীয় অর্থ, প্রতিরক্ষা তথা কর্পোরেট বিষয়ক মন্ত্রী শ্রী অরুণ জেটলি। সম্মেলনের উদ্বোধনী ভাষণও দেবেন তিনি। একদিনের এই জাতীয় সম্মেলনের মিলিত উদ্যোক্তা কেন্দ্রীয় কর্পোরেট বিষয়ক মন্ত্রক, এনএফসিজি এবং আইবিবিআই। অনুষ্ঠানে উপস্থিত থাকবেন শিল্প ও পেশাদারি জগতের বিশিষ্টজনেরা। নিয়ন্ত্রক কর্তৃপক্ষ এবং সংশ্লিষ্ট অন্যান্য অংশীদারদের পক্ষ থেকেও সম্মেলনে উপস্থিতির হার বিশেষ সন্তোষজনক হবে বলে মনে করা হচ্ছে।

ভারতীয় শীর্ষব্যবসায়িক গভর্নর ডঃ উজ্জিত প্যাটেল, সেবি-র চেয়ারম্যান মিঃ অজয় ত্যাগী এবং আইবিবিআই-এর চেয়ারম্যান ডঃ এম এস সাহ-ও সম্মেলনের উদ্বোধনী পর্বে ভাষণ দেবেন। সমাপ্তি ভাষণ দেবেন ন্যাশনাল কোম্পানী ল ট্রাইবুনালের প্রেসিডেন্ট বিচারপতি এম এমকুমার।

সম্মেলনের উদ্বোধনীপর্ব শেষে এক বিশেষ আলোচনা পর্বেরও ব্যবস্থা রাখা হয়েছে এদিনের সম্মেলনে। কোটাক মাহিন্দ্রা ব্যাঙ্ক লিমিটেডের এক্সিকিউটিভ ভাইস চেয়ারম্যান ও ম্যানেজিং ডিরেক্টর শ্রী উদয় কোটাক, পাঞ্জাব ন্যাশনাল ব্যাঙ্কের ম্যানেজিং ডিরেক্টর ও সিইও শ্রী সুনীলমেহতা, হিন্দুস্তান কনস্ট্রাকশন কোম্পানী লিমিটেডের চেয়ারম্যান তথা ম্যানেজিং ডিরেক্টর শ্রী অজিত গুলাবচাঁদ, ইনফাস্ট্রাকচার লিজিং অ্যান্ড ফিন্যান্সিয়াল সার্ভিসেস লিমিটেড-এর ভাইস চেয়ারম্যান ও ম্যানেজিং ডিরেক্টর শ্রী হরি শঙ্কর, অ্যাসেসটরি কনস্ট্রাকশন কোম্পানী (ইন্ডিয়া) লিমিটেডের সিইও তথা এমডি শ্রী বিনায়ক বহগুণাএবং কেকেআর ইন্ডিয়া অ্যান্ড ভাইসার্স প্রাইভেট লিমিটেডের ডিরেক্টর শ্রী নিখিল শ্রীবাস্তব-ও অংশ নেবেন সম্মেলনের বিশেষ আলোচনা পর্বটিতে।

(Release ID: 1500230) Visitor Counter : 2

## Background release reference

একদিনের জাতীয় সম্মেলনের মিলিত উদ্যোক্তা কেন্দ্রীয় কর্পোরেট বিষয়ক মন্ত্রক, এনএফসিজি এবং আইবিবিআই

